



AP med Hilde Enstad og Irene Nielsen-Sjo hadde stand i Uskedalen i dag.

Det er innspurten på den lokale valkampen. Dei fleste partia har hatt stand på Husnes i dag. AP valde også Uskedalen som arena for informasjon og utdeling av valprogram og brosjyrar. 1. kandidaten Hilde Enstad og Irene Nielsen-Sjo hadde merka seg innlegget på Uskedalen.no hin dagen om få konkrete tiltak for Uskedalen. AP har svar på denne merknaden.

Uskedalen er sentrum i Kvinnherad. Det er den store møteplassen for både indre og ytre luten. Enstad og Nielsen-Sjo har merka seg kva ein er opptekne av i bygda og vil særleg i neste periode arbeida for desse sakene i Uskedalen:

- Klatresenter: Uskedalen er den sentrale plassen for eit klatresenter. Det er alt gjort eit godt arbeid og alt er klart for å gå vidare med prosjektering og utvikling.
- Gang- og sykkelveg mot Steinsletto og Herøysundet må koma. Det er særleg viktig for vidare utvikling av Børnes Næringsområde og om det skal bu folk på denne strekningen.
- AP støttar Kvinnherad Vekst i kjøpet av Uskedal Trelastlager. Partiet er ikkje redd for konkurransevridding i høve til andre næringsdrivande i same bransje. Tvert imot: Kvinnherad Vekstbedrift bør få auka handlingsrom i det store og viktige arbeidet dei gjer.
- Uskedalen er sentrumsbygda i kommunen. Her ligg Noregs beste SPAR butikk. Her finn vi Festidalen. Bygda med vakker natur, båthamner og camping er som skapt for turisme. Uskedalen er på mange måtar ei perle i kommunen.

Hilde og Irene bed oss ta med namna på listekandidatane frå Uskedalen,- Hallgeir Snilstveit og Magne Huglen.

GODT VAL !

Tekst/foto/nett: Kristian Bringedal